

Werk

Titel: Scientia rerum universalem ex Euclide restituta

Autor: Hentschius, Joannes Jacobus **Verlag:** Haered. Lankisianorum

Ort: Lipsiae
Jahr: 1756

Kollektion: digiwunschbuch; mathematica

Signatur: 8 PHIL II, 288:2
Werk Id: PPN83290273X

PURL: http://resolver.sub.uni-goettingen.de/purl?PID=PPN83290273X|LOG_0022

OPAC: http://opac.sub.uni-goettingen.de/DB=1/PPN?PPN=83290273X

Terms and Conditions

The Goettingen State and University Library provides access to digitized documents strictly for noncommercial educational, research and private purposes and makes no warranty with regard to their use for other purposes. Some of our collections are protected by copyright. Publication and/or broadcast in any form (including electronic) requires prior written permission from the Goettingen State- and University Library.

Each copy of any part of this document must contain there Terms and Conditions. With the usage of the library's online system to access or download a digitized document you accept the Terms and Conditions. Reproductions of material on the web site may not be made for or donated to other repositories, nor may be further

reproduced without written permission from the Goettingen State- and University Library.

For reproduction requests and permissions, please contact us. If citing materials, please give proper attribution of the source.

Contact

Niedersächsische Staats- und Universitätsbibliothek Göttingen Georg-August-Universität Göttingen Platz der Göttinger Sieben 1 37073 Göttingen Germany Email: gdz@sub.uni-goettingen.de

PHILOSOPHIA PRIMA EX

EUCLIDERESTITUTA.



SECT. I.

DE

PENETRABILITATE ET REALITATE MAGNITUDINUM IN GENERE.

6. I

res magnitudioum species, uti lineam, superficiem & solidum, quamquam in rerum natura inter se copulatas & cum materia permixtas, deprehendas, adeo, ut nullæ superficies, nullæque lineæ dentur a soliditate sejuncæ; nihilominus triplex hoc extensorum genus seorsim contemplari, cognitionem nostram juvat, ut in universum, qvid de magnitudine qvavis possit prædicari, intelligamus. Operæ igitur pretium esse existimaverim, doctrinam hanc de magnitudinbus absolute spectatis, utilissimam, data opera explanare, eamqve maxime controversam ea, qva sieri potest, diligentia dilucidare. Qvod

ut siat rectius; operam omnemin eo potissimum collocabimus, ut ad ea, quæ sensus nobis offerunt, sollicite attendamus, neglectisque Philosophorum quorundam subtilitatibus, ssimplicitati naturæ plurimum tribuamus. Placet autem primum, quid magnitudinis vox significet, paucis indicare, ejusque differentiam a quantitate sic dica annotare.

S. 2.

Magnitudinis
vox explicatur.
qvamlibet compositam, limitibusqve conclusam. v. c. lineam, superficiem, folidum, numerum &c. dicimus magnitudines, prouti res sunt compositæ, limitibusque conclusæ, & numerus uti centenarius
ex unitatibus multitudine terminata compositus
esse intelligitur.

Magnitudinem igitur cum quantitate confundere non licet; hac enim prater magnitudines, qvibus tribuitur, diversissima alia sub se complectitur rerum genera, adeo, ut pro genere, cujus peculiaris est species magnitudo, habeatur. Sic non solum numeri, prouti augeri, minuique possunt, dicuntur quantitates; sed etiam pæna, delista, res emti & venditi &c. sub quantitatum considerationem cadunt, quatenus de gradibus ipsarum disqviritur, uti jam Conam. III. Sest. II. § 8.9 observatum est.

NOTA.

Repetendum hoc in loco: voces hic occurrentes ideas notare primas, in nullas alias fimpliciores, uti deinceps videbimus, refolubiles. Hoc ipfum valet de magnitudine & qvantitate, qvas qvidem voces per alias æqvipollentes & fynonymicas explanare, omnino fufficit. Sive igitur quantitas explicetur per id, a qvo res aliqva major dicatur vel minor, vel per id, qvod augeri & minui potest, nihil refert, si modo qvantitatem a magnitudine tanqvam genus a determinata specie distinctam esse notes.

S. 3.

Tres magnitudinum species nudæ sunt capacitates.

Solida, fuperficies & lineas, tanqvam nudas capacitates, a materia omni fejunctas, contemplamur. Diftinctam autem esse

materiam & capacitatem fic dictam corpoream, fensus docet communis; aliud enim est id, in qvo corpus & materia locatur, aliud corpus ipsum, vel si mavis dicere; aliud est continens, aliud contentum.

Hoc utique ex Geometria Euclidea manifeflum est, qvippe qvæ in formandis extensorum
ideis, omnem excludit materiam, eo, qvod generalis, cujus præcepta latissime patent, est scientia; unde, nulla habita materiæ ratione, magnitudines, tanqvam nudas extensiones contemplatur. V. c. sphæra absolute spectata, non
ligneam, æneam &c. sphæram notat; sed prætermissa materia, capacitatem nudam, in qva
sphæra

sphæra lignea, ænea &c. locari potest, signisicat, Conum absolute considerat Geometra, non hunc vel illum ex materia qvadam definita compositum; sed tanqvam corpoream capacitatem, in qva conus ligneus&c. locari potest; cubum ut nudum aliqvod spatium corporeum, in qvo locantur cubi ex materia quacunque conflati. Superficies, veluti triangula qvadrilatera & multilatera absolute itidem contemplatur Geometra, non hujus vel illius corporis superficiem; sed superficiem mente abstractam, tanqvam nudam aliqvam capacitatem, a priori, qvæ dica est corporea, diversam. Sic triangulum recilineum concipitur tanqvam nuda capacitas, tribus redis comprehensa, nulla ha bita corporis alicujus, uti pyramidis ratione, cujus superficies claudatur triangulis, tanqvam terminis fuis; qvadrilaterum absolute spectatur tanqvam expansum quatuor rectis terminatum, sullo habito agri alicujus respectu, cui qvadrilaterum mente conceptum respondere supponatur. neas denique easque vel recas vel curvas fibi concipit Geometra, non tanqvam hujus vel illius superficiei terminos, sed generaliter tanqvam nudas capacitates a fuperficiali, area nomine infignita, prorfus distinctas, vel si mavis dicere ranqvam longitudines, qvæ latitudinis omnis funt expertes (nec enim aliter, fi fensum communem seqvi voluerimus, res exprimi poterit.)

6. 4.

Tres magnitudi-Magnitudines & nude capanum species sunt citates spectata, penetrabiles esse penetrabiles. dicuntur : Conceptæ enimabsque omni materia magnitudines, ut habeant penetrabilitatem, necesse est. Penetrabilitatis autem nomine designamus eam magnitudinum absolute spectatarum affectionem, qua fit, ut duo ejusdem generis extensa, uti duæ rectæ, duæ superficies & duo folida, in uno eodemqve ubi, vel si mavis dicere : in uno sodemqve loco fimul adesse non repugnet. Hanc magnitudinum absolute spectatarum penetrabilitatem distingvas queso! a congruentia, ex qua magnitudinum ejusdem generis æqvalitas vi ax. 8. Elem. I. colligitur. Omnis enim congruentia penetrabilitas dici qvidem potest; nec tamen omnis penetrabilitas statim involvit congruentiam, v. c. duo triangula similia penetrabilia qvidem esse possunt; nullo tamen modo sibi congruunt, cum unum est majus, alterum minus; duo parallelogramma inæqvalia super eadem basi constituta, penetrabilia qvidem funt; qvamqvam ob diversam quantitatem neutiquam fibi congruant.

Hæc magnitudinum penetrabilitas, qvæ extenfis, quatenus extensa funt, tribuitur, innotescit ex Geometria Euclidea, in qva dictæ magnitudines, absque omni materia spectatæ, penetrabiles esse recte supponuntur.

Qvod ad lineas; redæ aqvales cum fibi mutuo congruant, penetrabiles erunt, feu qvod idem: unum idemqve ubi fimul occupare poterunt. Hinc fit, ut reda una alteri fuperponatur, id qvod ex Prop. IV & VIII Elem. I demonstrationibus fatis apparet.

De Superficiebus res constat ex Prop. XXXV Elem I, in qua Parallelogramma super eadem basi & in eisdem parallelis constituta, inter se sunt æqualia; nec non ex Prop. XXXVII. Elem. I. ubi triangula super eadem basi, & in eisdem parallelis constituta esse supponuntur; id quod fieri non potest, nisi magnitudines diaæ sunt penetrabiles.

Eundem ad modum, triangula æqvalia super eadem basi & ad easdem partes constituta, in eisdem parallelis esse, prædicantur Prop. XXXIX. Elem. I. & parallelogrammum cum triangulo eandem habens basin, eandemqve altitudinem; trianguli duplum esse dicitur Prop. XLI. Elem. I. Circulorum penetrabilitas colligitur ex Prop. V. &VI. Elem. III. ubi duo circuli sese invicem secare, vel sese intra contingere supponuntur, collat. Prop. X. & XI. ejusdem Elementi.

Denique folidis tribuitur penetrabilitas, que colligitur ex Prop. XXIX. Elem. XI. in qua duo folida Parallelepipeda super eadem basi, & in eadem altitudine constituta esse intelliguntur, nec non ex Prop. X. Elem. XII. in qua, conus tertia pars esse dicitur cylindri, eandem cum ipso basin habentis, & altitudinem æqualem.

§. 5. Tres

9 maison - 017 \$. 5.

Has, qvibus nudam capacita-Tres magnitudinum species funt tem & penetrabilitatem tribuireales. mus, magnitudines, tanqvam reales supponimus, si vel maxime in rerum natura nihil detur, qvod suppositis ejusmodi intellectualibus respondeat. Posita enim est omnis, que speciebus & generibus tribuitur, realitas in nuda contradictionis absentia, que vel a fimplicissimis pendet suppositis, ex qvibus potest intelligi ; vel demonstratione nititur, quæ declarat; hoc vel illud suppositum a contradiclione esse liberum, Si v. c. Geometra hypotheses format : Spatium aliqued tribus rectis terminari, vel: semicirculum circa diametrum suam revolvi; realisas hæc a posteriori experimento qvodam facile potest illustrari; sed num dentur parallelæ, parallelogramma, triangula æquilatera &c. demonstratio confirmar.

Conf. Conam. I Sect. X, collat, Conam, III, Sect. 1, §. 6,

\$. 6.

Puncta funt realia. Hanc magnitudinum realitatem, ut habeamus perspectam; argumentum hoc utilissimum accuratius pertractare, veramqve folidorum, superficierum, linearum, & punctorum formationem intellectualem uberius investigare, operæ est pretium.

Qvod ad puncha, qvæ pro linearum terminis habentur; in classem rerum ea redigenda este existimaverim, qvamqvam nullam magnitudinem, nullasque habeant partes. Quomodocunque enim concipiatur aliquod punctum, reale erit, non, qvod vere in rerum natura seu in individuo detur; fed ideo, qvod extensio linearis que est terminata, puncta, nulla prædita magnitudine, postulat. Terminus enim linea, qvamqvam negationem aliqvam involvat, verus erit atque realis (negativa enim aque ac affirmativa realitatem habere, qvis negaverit?) Sic linea æque realis est ae superficies, cujus est terminus; superficies æqve realis ac solidum, pro cujus extremo habetur; numeri negativi æqve reales funt ac positivi; vitia æqve realia ac virtutes &c.

Notandum enim: intellectum humanum relationes rerum formare infinitis fere modis, easque in re fundatas semper esse reales, quomodocunque ceterum sese habeant.

Nec folum puncta esse realis putes, intuitu formationis, que est intellectualis; sed potissimum ideo, quod pro diverso corporum statu, vel in motu vel in quiete constituta esse intelligantur; id quod vel maxime ex trochlea, que circa centrum suum, revolvi dicitur; nec non ex centro gravitatis, quo sustentantur gravia, apparet.

\$. 7.

Lineæ & fuperficies funt reales.

Lineæ, tanqvam fuperficierum
termini, eandem fibi vindicant
realitatem tum intuitu formationis, qvæ est intellectualis, tum intuitu attributorum, quæ ipsis convenire censentur. Præter conceptum enim, lineis restis & curvis communem, secundum quem longitudines sunt, latitudinis omnis expertes; in directum produci,
secari, mensurari & qvomodocunqve comparari possum; qvibus positis affectionibus, lineas tum restas tum curvas infinitorum generum esse reales seu possibiles manifestum est.

Hæc autem omnia, cum de superficiebus, tanqvam solidorum terminis eodem modo valeant, qvippe qvæ augeri & minui, mensurari, æqvari, excedere, desicere, moveri possunt & qviescere; evidens est; superficiebus non solum intuitu formationis intellectualis, sed etiam respectu attributorum, qvæ ipsis conveniunt, realitatem

esse tribuendam.

Conf. Euclidis Elem. I. II. & VI. ex qvibus linearum & superficierum affectiones generales colliguntur.

§. 8.

Solida funt Denique folida, uti conus, sphærealia.
ra, cylindrus, cubus, pyramis, prisma & parallelepipedum, dicuntur esse realia, partim ob simplicissimam, quam habent genesin, partim ob communes congruentia, divisibilitatis, H 2 propor-

proportionalitatis, dimensionis &c. quæ ipsis competunt, affectiones. Si v. c. fphæra tanquam figura folida, una superficie comprehensa, ad qvam ab uno puncto eorum, qvæ intra figuram sunt posita, cadentes reche lineæ inter fe funt æquales, explicatur; definitio hæc in fimplicissima hac hypothesi : [emicirculum circa diametrum suam revolvi, fundatur, de cujus veritate nemo potest dubitare, qvi analogiam, circuli fphæræqve generationem intercedentem, animo pensitaverit. Uti enim recta linea circa punctum fixum revoluta, circulum describit ; ita semicirculus circa diametrum fuam circumductus, fphæram generare concipitur; unde, cum in circulo, omnia peripheriæ puncta a centro æqvaliter distent; hoc ipsum de sphæra, simili modo generata, valebit. Conus itidem generari intelligitur, qvando trianguli rectanguli, manente uno latere eorum, qvæ circa angulum redum, circumdudum triangulum in fe ipfum rurfus revolvitur, unde moveri cœperat, circum assumta figura ; quæ qvidem hypothesis iterum est simplicissima; in qua definitio Euclidea de cono fundatur &c.

Conf. Euclidis Geometria Solidorum Elem. XI.

XII, XIII, &c.

§. 9.

Comparatio corporis physici cum geometrico.

Magnitudines, quas penetrabiles & reales esse, hactenus vidimus, absolute tales sunt h. e.

absqve

absque omni materia concipiendæ. Contradiftinguere eas solemus magnitudinibus aliis relative talibus, quæ ex materia quadam desinita compositæ esse intelliguntur; unde illas corpora geometrica, has vero physica dicere moris est. Utrique, corporum generi, quamquam realitas recte tribuatur; in eo tamen maxime differt corpus physicum a geometrico, quod illud ob materiam ipsi inhærentem sit impenetrabile, geometricum autem corpus, materia omni destiratum, penetrabile, v. c. cubus aquæ dicitur esse impenetrabilis; cubus autem absolute h. e. absque materia quadam spectatus, penetrabilis.

Huc accedit, qvod corporis phyfici compofitio fiat ex partibus materialibus; geometrici autem ex partibus immaterialibus, vel fi mavis dicere: excapacitatibus minoribus,

§, 10,

Intellectus humanus, qvomodo corpora materialia concipiat?

modum, qvem tenet intellectus humanus in concipiendis corporibus tum materialibus seu physicis, tum immaterialibus seu geometricis sigillatim investigabimus, eam potissimum ob causam, ut erroneas nonnullorum, qvas hoc in loco singere solent, hypotheses destruere atque evertere valeamus.

Qvod ad corpus, qvod dicitur materiale seu physicum; intellectus humanus, secundum regulam Conam I. Sect. I. S. 12. propositam, quamlibet corporis speciem, vocum quarundam ope, missis omnibus, quas sensus suppeditant, imaginibus, apprehendit, quamquam rem boc modo perceptam ad sensibil a reducere, non repugnet. V. c. fi corpus materiale universaliter mihi concipio tanqvam compositum ex partibus materialibus, extensum atque mobile; symbolica hæc est perceptio, vocibus qvibusdam expressa, nec qvicquam refert, fi vel maxime ad hoc velillud corpusqvod in fenfus incurrit, non attenderim ; fufficit enim in universum scire, in quonam corporis materialis universaliter concepti forma constitua, Si fluidum corpus cogito; istud tanqvamcorpus, cujus partes vi minimæ cedunt in universum mihi concipio, qvæ qvidem symbolica perceptio deinceps ad fensibilia potest reduci, ut res proposita, vocibusque nudis expressa, illustretur.

§. 11.

Intellectus humanus, qvomodo corpora immaterialia percipiat?

Eandem per fymbola cogitandi methodum intelle&us humanus observat in concipiendis corporibus geometricis, quippe qvæ, nulla habita imaginum, qvas sen-

fus offerunt, ratione, in universum, prouti vocibus expressa sunt, percipiuntur, qvamqvam universales universales ejusmodi notiones, ad signa, que sunt naturalia, reducere omnino conducat. V. c. si cylindrum, conum, pyramidem &c. in universum vocum quarundam ope percepi; in plano quodam deinceps formare licet schemata, quibus dicta corpora, universaliter concepta, illustrantur.

Hæc intellectualis, qvæ fit fignorum qvorundam ope, perceptio, præter corporageometrica, tribuitur eodem modo fuperficiebns, lineisqve, qvippe qvæ tanqvam nuda nomina percipiuntur, & ad fenfibilia deinceps, ut lucem inde accipiant, reducuntur. V.c. triangula, qvadrilatera, parallelogramma, uti, qvadratum, oblongum, Rhombus &Rhomboides &c.primum univerfaliter h. e. tanqvam nuda nomina percepta, in plano qvodam deferibuntur, id qvod ad meliorem intelligentiam plurimum facit. Lineæ tum rectætum curvæ univerfaliter, vocibus exprestæformantur in plano, utintellectualis, qvæ fit perceptio, luculenter appareat,

NOTA.

Eundem intellectus humanus in concipiendis rebus pnevmatologicis & moralibus, tenet modum. Qyascunqve enim mentis humanæ vel Dei operationes, five ad intellectum, five ad voluntatem pertincant, fumferis: nos omnia universaliter h. e., missis imaginibus sensibilibus, percipere, est apertissimum. Qvid vero de conceptu substantiarum sive materialium, sive immaterialium, qvem nonnulli habere opinantur, statuendum sit, suo loco videbimus.

s we can't be - S. 12. menus esint sving Corpora geometri. Ex his fundamentis quæstio: ca funt realia, non num corpora geometrica fint reaimaginaria. lia, an imaginaria, componi facile poterit. Cum enim generum specierumqve realitas, in sola contradictionis absentia, nulla habita existentia individualis ratione, ponatur; Conam. III. Sedt. 1. §. 6. corpora geometrica, vera, possibilia atque realia hoc fensu dicenda erunt, si vel maxime supposita ejusmodi intellectualia in individuo nullibi existerent.

Qvod fi autem nonnulli, abstractis corporum geometricorum conceptibus varias fenfibiles immisceant imagines; culpandi omnino erunt, ideo, qvod mens ipforum a fenfibus fefe abduci non patiatur; nullo tamen modo vitiofa hæc & imad ginaria perceptio efficier, ut res ipfæ pro imaginariis venditentur. Sic multi, universalibus minus assveti, corpus tanquam cameram intra parietes fuos aliqvid complectentem fibi concipiunt; fuperficiem ut tenuissimam corporis alicujus cuticulam, lineamqve tanqvam filum tenuo vi omni extenfum, qvæ qvidem omnia recte dici poterunt imaginaria; nec tamen ideoGeometriæ tribuendum ; eam circa imaginaria versari corpora, id qvod a communi fensu abhorret.

NOTA.

Ovantas male intellecta vocis , ealis fignificatio, confufiones in Philosophia pepererit; nemo non agnoscet, qvi fystemata vulgaria, data opera, evolverit. Video enim,

vulgares nonnullos philosophos tam perverse hoc in argumento agere, ut nihil reale esse opinentur, nisi quod manibus contrectari, visu percipi vel alio quocunque sensu possit attingi. Hine varia ad sensum plebis accommodata, & a scientiarum indole, plane abhorrentia promanarunt præjudicia, quibus vel maxime ille obrutus erat, qui cum interrogaretur: quenam scienziæ essent veates, imprudenter respondebat: quasant de pane lus crando.

meet to confident five in the

Utilitas Geo- Qvod fuperest; Geometria, qvæ metriæ. extensorum naturam generatim speculatur; maximam habet utilitatem in reliqvis scientiis mathematicis conspicuam.

Qvod enim ad lineas, a Geometra abfolute speciatas; Mechanicus, Opticus & Astronomus eas ad usus suos accommodant; Mechanicus qvidem, ut gravium, qvippe qvæ in lineis descendunt, motum definiat; Opticus, ut directionem lucis, qvæ sit in lineis rectis, determinet; Astronomus, ut corpora circa lineas qviescentes revolvantur.

Superficies, qvibus corpora sese mutuo contingunt, primos motuum impetus excipiunt, sucisque radios restectunt. Solida denique, uti sphæra, cylindrus, conus &c. in Mechanica, Optica & Astronomia ad varios adhibentur usus, id quod nemini, qvi vel dictarum scientiarum limina salutavit, obscurum esse potest.

SECTIO II. DE COMPOSITIONE

ET EXTENSIONE MAGNITUDINUM IN GENERE.

§. I.

Qvid fit com- Magnitudines, qvæ ex pluribus positio mainter se junctis conflantur, sive gnitudinum? plura illa fint materialia, five immaterialia, composite vulgo audiunt, Sie non solum corpora quævis materia quadam definita prædita, magnitudines composite dicuntur ; sed etiam linez, superficies & solida, qvæ materia omni sunt destituta, compositionem habent, prouti ex capacitatibus pluribus minoribus generari concipiuntur. Nullam enim nobis concipere possumus lineam, nisi ex pluribus aliis lineis minoribus conflatam, quam ideo compositam dicimus; nullam superficiem nisi compositam exaliis superficiebus ipiam constituentibus; nullum denique folidum, nisi ex aliis solidis minoribus generatum.

NOTA.

Observandum hoc in loco: compositionis vocem, qua plurium sive materialium sive immaterialium compleaum notamus, a magnitudinibus, qvibus primario tribuitur, ad qvævis alia, diversissima rerum genera, qvæs suo modo compositionem habent, transferri. Sic ex antecedentibus notissimum: idearum alias esse compositas, alias primas; illasqve in alias simpliciores definiendo resolvi, has vero tanqvam primas esse irresolubiles. V.c. ideam compositam trianguli definiendo possum

fum resolvere, est enim triangulum figura plana, tribus rectis comprehensa; sed ideas termini & comprehensionis tanquam primas easque irresolubiles, recte assumo; terminus enim idem est ac extremum, & comprehendere idem ac terminari.

§. 2.

Magnitudo qvæ-Sive autem hæc magnitudivis, ut totum num compositio fiat ex partibus confiderata, hamaterialibus, five immaterialibus; bet partes. plura hæc qvæ magnitudinem ingrediuntur, vocentur partes, magnitudo autem ipla, que ex partibus constat, totum, dicatur, Sic tres magnitudinum species, utilinea, superficies & folidum, ut tota, quæ ex partibus constant, recie considerantur : nec non numeri integri fuh totius considerationem cadunt, quatenus ex unitatibus homogeneis tanqvam fuis partibus conflantur; numeri autem fracti pro partibus habentur respectu unitatis, que constituit totum aligvod in partes æquales divifum. Totius igitur & partis notiones primario ad magnitudines pertinere censentur; qvamqvam eas ad qvævis alia diversissima rerum genera, que suo modo tanquam tota confiderari possiunt, transferre liceat.

5. 3.

Extensio magnico Cum magnitudinum compotudinum, qvid sit? sitione necessario conjuncta est extensio, qvæ in partium inter se junctarum dilatatione ponitur. Partes enim, qvæ constituunt magnitudinem, sive sint materiales, sive immateriales, ut extensæ sint, necesse est; magnitudinum

enim

enim compositionem absqve extensione cogitare velle, absurdum putatur. Hæc igitur extensio in partium inter fe jundarum continuatione pofita, efficit, ut magnitudinis cujusvis terminatæ, extrema intervallo qvodam interjecto a se invicem distent, id gvod tres magnitudinum species satis indicant. Solida enim, uti sphæra, cylindrus, pyramis &c. tangvam spatia corporea, extensionem habent terminatam, qva fit, ut extrema folidorum qvæ funt superficies, intervallo qvodam, a se invicem diftent; superficies, uti triangula, qvadrilatera, extensionem habent lineis, tanqvam superficierum terminis, circumfcriptam ; lineæ denique, five ceteroquin fint rectæ vel curvæ extenfæ effe intelliguntur usqve ad puncta, qvæ pro linearum terminis habentur.

\$. 4.

Extensio est vel partium materialium, vel immaterialium, vel immaterialium.

Cum autem magnitudines vel partium materialium.

Cum autem magnitudines vel absolute h. e. absolute ulla materia, vel relative h. e. prouti materia quadam præditæ sunt, possint considerari; duplex dabitur extensio, prouti vel partes materiales vel immateriales extensæ esse concipiuntur.

Uti autem partium immaterialium extensio in nuda spatiorum continuitate ponitur; sic extensio partium materialium eo redit, qvod materia repleat spatii partes finitimas.

§. 5.

Comparatio utriusque extensio, quamquam parextensionis, tur tes supponat, que extense concipiuntur tur; in eo tamen maxime diversa est extensio partium materialium a nuda spatiorum seu partium immaterialium extensione, quod illa sit impenetrabilis, hæcautem penetrabilis, uti jam Sectione præcedenti observatum est.

ener togeth amount &. 6. in the con-

Extensionis partium immaterialium seu spatii
affectiones.

Hæc, qvæ partium materialium
extensio hactenus dicta est, aliis
capacitas & spatium vocari solet.
Spatium igitur, si cum enunciatis
præcædentibus comparaveris, facile vides.

- 1) Ideam spatii variari pro extensorum diverfitate. Sic alia est extensio spatii corporei, alia superficialis, alia extensio spatii linearis. Tot enim terminata sunt spatia, quot sunt partium immaterialium extensiones.
- 2) Spatium esse vel terminatum vel interminatum. Prius illustrant solida, superficies & lineæ qvippe qvæ spatia sunt terminata; posterius lineæ parallelæ ex utraqve parte in infinitum productæ.

3) Spatium esse compositum ex partibus immaterialibus, penetrabile & expansum, §. 3.

4) Spatium esse reale seu possibile; concipi enim potest. Spatium igitur, qvod dicitur corporeum, imaginarium, sistum, aut corporis phantasma cum nonnullis appellare nollem si vel maxime spatium absqve materia, in rerum natura seu in individuo, nullibi existeret: pleraqve enim supposita intellectualia, scientiis præstruca, eodem

jure phantafinata aut imaginaria forent dicenda; id quod fane abfurdum.

Conf. Conam, III. Sect. IV. §. 7. 8.

5) Spatium corporeum cum materia non circumferri; sed, variante mo le corporea immobile manere.

6) Magnitudinem spatii corporei, magnitudini corporum, qvæ in ipso locantur, semper congruere.

7) Spatii linearis magnitudine, corporum di-

stantiam, inter qvæ interjacet, æstimari.

S. 7.

Forma spatii Hæc, qvæ de spatio corporeo dicta corporei. sunt, experientia seu singularium observatione illustrantur. Spatium igitur corporeum concipiemus tanqvam compositum ex partibus immaterialibus, penetrabile, expansum & immobile. Nec qvicqvam intererit, sive pro mera, corpus qvodcunqve recipiendi, capacitate, sive pro magnitudinis cujusvis interponibilitate, habeatur. Ideam enim spatii corporei tanqvam primam, in nullas alias simpliciores resolubilem agnoscimus Conam. III. Sect. I. §. 1. Not. 1. unde eam per synonyma explicare omnino sussicit.

§. 8.

Comparatio spatii corporei cum tempore. Spatium hoc corporeum, si cum tempore comparaveris; analogiam quandam inter utrumqve facile animadvertes. Non obstante enim, qvod tempus ranqvam duratio ad terminum qvemvis incertum fluens, ad ordinem successionis, spatium autem ad molis corporeæ situm pertineat; utrique extensio, eaque indefinite sumpta, tribuenda erit.

Conf. Haacus Newtonus in Princ. Phil. natur. defin. VIII. Schol.

§. 9.

Supposito spatii corporei, qvem Spatium corporeum a mafensus comprobant, conceptu; ad quastiones de capacitatis corporez dum eft. natura propositas, deveniendum est-Est autem prima omnium, que huc pertinere censentur, quaftio hac: num spatium corporeum a materia distinctum sit, vel non? ad quam folvendam nihil aliud requiritur, qvam ut ex antecedentibus repetamus : fpatium corporeum nudam ese capacitatem eamque penetrabilem, materiam autern impenetrabilem. Ob has enim determinationes oppositas, spatium corporeum cum materia unum idemqve esse, statuere, aqve absonum foret, ac colores tangvam reale quid corporibus inesse, affirmare velle.

Nollem igitur cum Cartesianis communem habere causam, hac hypothesi seductis; corporis essentiam seu naturam in nuda positam esse estensione, ex qua spatium cum corpore esse idem, ob communem utrique extensionem, colligunt. Sed fassum & erroneum esse principium, quod assumunt, facile videre est, cum differentia corporis specifica non sit extensio, quippe que materiæ & spatio est communis, sed potius impenetrabilitas.

trabilitas, qua materiam a spatio differre, in antecedentibus jam oftensum est.

Num spatium corpore vacuum & extramundanum possit dari?

Spatium hoc corporeum a materia distincum potest dari; si vel maxime nulla deretur materia, qvæ in ipso tanqvam suo substrato, esset collocata.

Ponamus enim: materiam omnem mundanam in duas foheras cujuscunque molis coacervari, destructis reliqvis omnibus corporibus : id qvod a Deo omnipotenti fieri posse nemo rationis usu præditus, negaverit. Ovod si igitur una dictarum sphærarum alteram contingat; unico in puncto fier contactus per Prop. XIII. Elem. III; unde inter alia sphærarum puncta, medium qvid h. e. aliqvod spatium interjacebit (destructa enim funt reliqua omnia corpora per hyp.) Ovod si autem disjunctæ sint duæ sphæræ; dabitur spatium aliquod intermedium materia nulla repletum. Extra omnem igitur positum est dubitationem: spatium aliquod materia vacuum posse dari ; num autem in rerum natura seu in individuo vere etiam detur, ex phoenomenis in Philosophia naturali occurrentibus, conficiendum est. Nobis hoc in loco sufficit, nudam spatii materia vacui, possibilitatem cognovisse.

Idem de fic dicto spatio extramundano est statuendum. Spatium enim extramundanum, materia materia vacuum, five finitum five infinitum, poffe dari, nihil repugnat, fi vel maxime ideam
fpatii infiniti, nullam habeamus. Num autem
vere etiam in rerum natura detur; alia, cujus folutio ad Philosophiam naturalem pertinet, est
quæstio.

consess marchale out is abbrachofenper con-

Num spatium Hæc, cum ita sint; disqvirendum sit substantia porro est : num spatium sit substantia, vel accidens? Placer autem primum, qvid fubftantiæ & accidentis voces designent, determinare, Notissima hæc Metaphysicorum inter substantias & accidentia, distinctio, a quocunque demum fuerit inventa, ex fenfibus haufta, & a rerum fingularium existentia abstracta esse intelligitur. Commune enim hominum de rebus individualibus effe effatum novimus: res alias existere tangvam aliis inhærentes, alias autem per fe & absolute existentiam fuam continuare; unde illas, accidentia seu modos, has autem substantias, seu si mavis dicere: substrata vocare solemus. Sicv. c. solem, lunam, tellurem, substantias dicimus, eo, gvod per se fubfiftunt, nec aliam rem cui inhæreant, fupponunt; fed motum inter accidentia referimus; concipi enim non potest motus, nisi supponatur aliqvid qvod moveatur, five caterogvin fit fol, luna, five tellus &c. Eandem ob rationem reliqvis omnibus corporibus materialibus, uti vegetabilibus, mineral bus & animalibus commune substantiæ nomen imponimus; nec non spiritibus, uti Deo, animæ &c. Qvæcunqve autem substantiis dictis inesse intelligimus; ea generali, accidentium nomine designare solemus. Ita Deus est substantia, compositionis expers, omnipotens, omnispiens &c. anima, substantia spiritualis intellectu & voluntate, qvæ ipsius accidentia sunt, prædita; corpus materiale, qvod in abstracto semper concipimus, est substantia qvæ habet accidentia, uti divisibilitatem, extensionem, impenetrabilitatem, mobilitatem &c.

Hæc fi applicemus ad spatium, gvod dicitur corporeum; accidens corporis materialis, vel rei alius cujuscunque vocari nullo modo poterit, Cum enim spatium corporeum possit dari absqve ulla materia, seu per se absolute concipi & 10, accidens non erit, cum materiæ necessario non in-Huc accedit, qvod spatium, si vel mahæreat. xime materiæ junctum est, cum eadem non circumferatur §. 6. ex qvo itidem patet; capacitatem sic dictam corpoream interaccidentium numerum referri non debere. Jam igitur fi spatium corporeum accidens non est, forsan ex me queres: Numid, quod recipiendi corporis est capax feu spatium corporeum pro substantia habeam? Hac in re suspendi a nonnullis judicium, ab aliis autem istud ex classe entium penitus excludi, video. Ovod fi tamen, qvid ego fentiam, fcire cupias, scito: spatium corporeum ex classe entium a me non excludi, nec istud dari uti mobilitatem, durationem, tempus &c, existimo. Secus enim sesse res habet in spatio, ac in mobilitate & duratione. Illud enim potest concipi absolute & per se §. 10., mobilitas autem & duratio dari non possunt, nisi supponatur aliqvid, qvod motum sustineat, vel duret.

Qvid igitur obstat, qvo minus spatium corporeum explicem per substantiam immaterialem & penetrabilem, accidentibus suis §. 10. recensitis, præditam? Si corpora materialia indefinite seu universaliter concepta vocamus substantias, qvid impedit, qvominus sphæram, cylindrum, conum &c. aliaque corpora geometrica indefinite itidem concepta generali substantiarum voce designemus? Gaudent enim dicta corpora geometrica suis affectionibus æqve ac materialia, & possitut dari, si vel maxime nulla materia daretur.

Num abfurda Sed dixerit aliqvis: fi spatium inde sequan- corporeum pro substantia habetur; tur? corpora materialia tangvam fubstantias in alia iterum substantia contineri, id qvod fane abfurdum. Has in cogitationes, si qvis inciderit, reputet secum: num absurdum sit dicere: partes materiales contineri in corpore physico tanqvam substantias minores in majori (qvama libet enim partem materialem sejunctam a corpore toto substantiam esle, qvis negaverit? Hæc si non absurda sunt, quare absonum erit, dicere: corpus materiale contineri in substantia penetrabili, & immateriali, qualis est spatium corporeum. Præiudicia

sudicia hæc perquam multis Mathematum ignaris, consveta esse, inter omnes quidem constat; sed præconceptas suas deponent opiniones, si Mathemata, qvippe qvæa vulgaribus erroribus nos liberant, veritatis vim demonstrant & a vulgo nos feparant, eo, quo decet, ordine pertradaverint. Vulgaribus enim Philosophis, si centies dixeris: infinitum posse æqvari finito: infinitum contineri in infinito &c. abfurda hæc omnia putabunt, qvæ in se sunt verissima.

NOTA. I.

Num mens hu-Spatium primario corporibus mamana in spatio terialibus, qvippe qvæ in ipfo locanfit & gvomodo? tur, tribui, hactenus vidimus Sed. num & qvomodo spatium corporeum, ad res nulla magnitudine, compositione, extensione figura &c, præditas, possit transferri, jam disquirendum est.

Immateriales ejusmodi & simplices substantias, quas dari, suo loco evincemus, a materia & spatio corporeo prorfus distinctas esse agnoscimus, easque spirituales

prouti cogitandi vim habent, dicere folemus,

Hac in causa, licet vel maxime mentis humanæ existentiam cum spatio vel si mavis dicere : cum loco & Ubi suo copulatam nobis concipiamus; lubenter fateor: me ignorare modum, secundum quem substantia ejusmodi simplex,in qva neminimam qvidem partem supponere licet, in fuo Ubi fit constituta; omnem enim hic imaginandi vim evanescere, percipio, id qvod qvilibet alius, qvi ad hæc attendit, in semet ipso experietur. Nec enim ad analogiam materiæ qvippe, cujus partes replere spatii partes & expandi, novimus, anima Ubi suum, qvod ipsi tribuimus, vel locum potest occupare, quippe quæ compositionis omnis est expers, nullamque in se recipere potest extensionem.

NOTAIL

NumDeus in Multo minus Deo infinito fuum Ubi feu spatio sit, & spatium, modumque, qvo sit in spatio, ex gromodo? rationis humanæ folius principiis, determinare audeo. Hæc enim omnia, revelatione divina in fubfidium non assumta, vix ac ne vix qvidem definire licet: unde nonnullos de rebus eiusmodi obscurissimis tanta fiducia differuisse, & ingentem attributorum divinorum catalogum confecisse, satis mirari non possum.

Qvod fi tamen ex me, qvid ego prælucente fcriptura facra, fentiam, quæras; fcito; me nullum five finitum five infinitum spatium Deo, vindicare. enim dominus, qvi est ubiqve per substantiam suam, non per folam virtutem, Matth. 2. v. 16. 17. præfens eft fpatio & materia, tantum abelt, ut spatii vel materiæ limitibus includatur. Si ex me qværas: qvomodo fit fubstantia sua omnipræsens; modum, tacente ipsa scriptura, definire non audeo, qvamqvam eum per extentionem ubique esse, dicere velle, rationi humanæ repugnat.

Caterum caveas, ne Deum cum spatio, vel materia confundas, eumque cum recentioribus quibusdam in fpatio effe, supponas; Deum enim effe in spatio, nec tamen eodem includi, nihil eft dicere.

SECT. III. DE MAGNITUDINUM

INFINITATE ET DIVISIBILITATE.

6. I. Magnitudines Ci qvis paullo accuratius ad contanqvam inceptus universales mente fordefinitas conmatos, attenderit: fele magnitucipimus. dines omnes, five materiales, five im-

materiales tanqvam indefinitas contemplari, facile

animadvertet. Hac illustrant tres magnitudinum species, utilinea, superficies & solida. Si enim v. c. sphæram, cylindrum, conum &c. tibi concipis; missa determinata magnitudine, indefinite dicta corpora percipis. Idem corpora materialia, licet vel maxime in rerum natura limitibus sint circumscripta, monstrant; telluris enim planitiem indefinite protractam existimamus; & arenam maris indefinita multitudine cogitamus &c.

6. 2.

Conf. Lock de intellectu humano libr. II. cap. XVII.

§. 3.

Qvantitates absolute spectate in infinitum possunt augeri.

Qvantitates quævis, sive sit numerus, sive magnitudo continua, ita comparata est, ut sinita quantitate semper major possitaccipi, & sic in infinitum. V. c. lineæ recæ terminatæ centuplum, millecuplum, decies-millecuplum &c.

fumi

fumi potest, superficiei itidem & solidi &c. Cum igitur in conceptu quantitatis nihil deprehendatur. avod progressum hunc in infinitum, impediat . quantitatem quamvis absolute spectatam in infinitum augeri posse, jure supponi potest.

Licet autem quantitates eius-Ovantitates infinite magnæ sunt modi, omni data & assignabili mareales feu poffijores comprehendere negveamus: biles. nihilominus reales seu possibiles erunt; a nostro enim imaginandi defectu, ad rei ipfius veritatem vel falfitatem concludi non potest. V.c. spatium corporeum infinitum reale est, a vel maxime istud in rerum natura non detur. vel a nobis concipiatur; abscissa infinite magna, qvæ in Geometria supponitur, realis est & possibilis, si vel maxime in rerum natura nullibi detur, Et sic in aliis omnibus.

aski ossocia 6. Kiral Bil additina

Ovantitatem in. Ovantitates infinite magnæ, fintfinite magnam tis qvidem & dabilibus qvantitatiexcedere, deficere & multi- bus funt incomparabiles; inter fe plicari non re- tamen comparantur ; ideoqve eas excedere, deficere & multiplicari, pugnat. non repugnat. V. c. numerus infinite magnus cum altero infinite magno comparatus, potest esse major vel minor.

136 PHILOSOPHIA PRIMA EXEUCL, REST.

\$. 6. Diecel . Percer let

Hæcomnia valent de quantitatibus infinite parvis.

Progressui in infinitum opponitur regressus in infinitum, seu magnitudinum divissibilitas, per quam non actualem, quæ sit per motum, intelligimus partium separationem; sed potius resolutionem & distinctionem intellectualem partium in partes sine sine. Fundatur hæc resolutio in Prop. XVI. Elem. III. collat. Conam. III. Se&, II.

\$. 7.

Usus hujus refolutionis. Hac autem partium in partes folutionis. fine fine resolutio, a præstantissimis omnis atatis philosophis supposita, communibus hominum conceptibus maxime congrua, & ab omni contradistione aliena, maximam in Geometria habet utilitatem. His enim sundamentis, infinitorum Arithmetica est superstructa, de qua esse actum, si magnitudinem seu continuum ex indivisibilibus seu atomis componere liceret.

Deo infinito, fit honor & gloria in fæcula fæculorum.

